

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ
ՄԱՐԶԻ ՌՅԱ-ԹԱԶԱ ՀԱՄԱՅՆՔԻ ՀՆԳԱՄՅԱ
ԶԱՐԳԱՑՄԱՆ ԾՐԱԳԻՐ**

Բովանդակություն

1. Համայնքի ղեկավարի ողջույնի խոսք.....	3
2. Համայնքի իրավիճակի նկարագրություն	4
2.1. Համայնքի ընդհանուր նկարագրություն	4
2.2. Համայնքի սոցիալ տնտեսական իրավիճակը.....	5
2.3. Համայնքում իրականացվող ծրագրերը.....	6
2.4. Համայնքի ֆինանսական իրավիճակի նկարագրություն և ֆինանսական կանխատեսումները	7
2.5. Զարգացման խոչընդոտներ և դժվարություններ	9
2.6. Համայնքի ուժեղ և թույլ կողմերի, հնարավորությունների և սպառնալիքների (ՈւԹՀՍ) վերլուծություն.....	10
3. Նպատակների սահմանում և գործողությունների պլանավորում.....	11
3.1. Համայնքի զարգացման տեսլական	12
3.2. Համայնքի զարգացման անմիջական նպատակներ	13
4. ՀՀԶԾ ֆինանսավորում	16
5. ՀՀԶԾ մոնիթորինգ	17

1. ՀԱՄԱՅՆՔԻ ՂԵԿԱՎԱՐԻ ՈՂՋՈՒՅՆԻ ԽՈՍՔԸ

Հարգելի հայրենակիցներ

ՀՀ Արագածոտնի մարզի Ռյա-Թազաի համայնքապետարանը նախկին քառամյա ծրագրի շրջանակներում կատարել է իր վրա դրված պարտավորությունները, որոնց ականատեսն եք եղել դուք և իրազեկվել եք համայնքի ավագանու որոշումներով, բյուջեի եռամսյա հաշվետվություններով: Սակայն ծրագիրը բավարար չէր բնակչության բարեկեցության բարձրացման և համայնքին կայուն զարգացում ապահովելու համար: Այդ պատճառով հաշվի առնելով հանրային բաց լսումներում ձեր առաջարկությունները, համայնքի սոցիալ տնտեսական իրավիճակը, առկա հիմնախնդիրները, տնտեսական, ֆինանսական, բնական ու մարդկային ռեսուրսները, դրանք քննարկելով համայնքի ղեկավարին կից խորհրդակցական մարմինների և ավագանու համատեղ նիստերում, համայնքի ավագանու կողմից ընդունվել է ՀՀ Արագածոտնի մարզի Ռյա-Թազա համայնքի հնգամյա (2017 – 2021 թթ.) զարգացման ծրագիրը (ՀՀԶԾ Ծրագիր):

Ծրագրի հիմնական ուղղություններն են

1. Համայնք մտնող 4.5 կմ ճանապարհիի ասֆալտապատում և կապիտալ նորոգում
2. Համայնքի գազաֆիկացում
3. Ոռոգման համակարգի ջրագծերի կառուցում
4. Նախակրթարանի կառուցում և գույքի ձեռքբերում
5. Համայնքի ներհամայնքային փողոցների լուսավորության ամբողջությամբ անցկացում
6. Խմելու ջրագծերի կապիտալ և ընթացիկ նորոգում
7. Մշակույթի տան կառուցում

Այս ծրագրի գերակա ոլորտներն են.

1. Գյուղատնտեսության զարգացում
2. Մատաղ սերնդի դաստիարակություն
3. Զբոսաշրջության զարգացում

Գյուղատնտեսության զարգացման հարցում կարևոր է ոռոգման նոր ջրագծերի և ջրատարների կառուցումը.

Մատաղ սերնդի դաստիարակության հարցում կարևոր է արդեն նախակրթարանի կառուցումը և գույքի ձեռքբերումը.

Գազաֆիկացման արդյունքում կբարելավվի համայնքի բնակիչների կենցաղը

Սակայն ծրագրի իրականացման համար առկա են բազմաթիվ խոչնդոտներ.

1. Համայնքի բյուջեում սեփական եկամուտների փոքր բաժին
2. Բնակլիմայական պայմաններ
3. Գյուղատնտեսության ապահովագրության բացակայություն
4. Ոռոգման ջրի բացակայությունը և դիզվառելիքի, պարարտանյութերի, բուժանյութերի բարձր գին
5. Ներդրումների բացակայություն

2. ՀԱՄԱՅՆՔԻ ԻՐԱՎԻՃԱԿԻ ՆԿԱՐԱԳՐՈՒԹՅՈՒՆ

2.1 ՀԱՄԱՅՆՔԻ ԸՆԴՀԱՆՈՒՐ ՆԿԱՐԱԳՐՈՒԹՅՈՒՆ

Ռյա-Թազա գյուղը գտնվում է ՀՀ Արագածոտնի մարզում, Արագած լեռնազանգվածի ստորոտում: Հեռավորությունը մարզկենտրոնից 43 կմ:

Գյուղը գտնվում է ծովի մակերևույթից 2066 մ բարձրության վրա: Գյուղի կլիման ձմռանը ցրտաշունչ է, ամռանը՝ զով: Գյուղում հաճախակի են չորային տարիները, որից հիմնականում տուժում են գյուղատնտեսական աշխատանքները:

Համայնքի վարչական տարածքը կազմում է 911.03 հա, հեռավորությունը մայրաքաղաքից՝ 72 կմ, մարզկենտրոնից՝ 43 կմ, տարածաշրջանային կենտրոնից՝ 11 կմ: Համայնքի վարչական սահմաններով սահմանակից է Մելիք գյուղ, Միրաք, Ալագյազ, Շենկանի, ճարճակիս և Վարդաբլուր համայնքներին:

Համայնքի սեփականություն համարվող գույքի ցանկը սահմանվել է ՀՀ կառավարության 14.03.1997թ. թիվ 51 որոշմամբ: Ներկայումս համայնքի սեփականություն համարվող գույքն ունի հետևյալ ցանկն ու վիճակը

վարչական շենքեր

ներհամայնքային նշանակության ճանապարհներ

ներհամայնքային կամուրջներ

գերեզմանատներ

պատգամավորների նախկին գյուղական խորհրդի գործկոմին պատկանող այլ գույք

Բնակչությանթիվը 2016 թ. հունվարի 1 –ի դրությամբ կազմում է 698 մարդ, որից՝

Տղամարդ - 373
Կին - 325
Այլ ազգերից կան.
Եզդիներ – 698
Ռուսներ - 0
Հույն - 0

2.2 ՀԱՄԱՅՆՔԻ ՍՈՑԻԱԼ-ՏՆՏԵՍԱԿԱՆ ԻՐԱՎԻՃԱԿԸ

ՀՀ Արագածոտնի մարզի Ռյա-Թազա համայնքի 2017 թ-ի վարչական բյուջեն կազմում է 15951.1 հազ. դրամ, որտեղ համայնքի սեփական եկամուտների բաժինը կազմում է 32.75%, իսկ ընդհանուր բյուջեն ֆոնդային բյուջեի հետ միասին կազմում է 23014.7 հազար դրամ, դեֆիցիտը կազմում է 0 հազար դրամ:

Համայնքում արդյունաբերակա նձեռնարկություններ չեն գործում:

Համայնքում գործում են երկու փոքր խանութներ: Համայնքը մասնակի գազաֆիկացված է:

Համայնքում գյուղատնտեսության բնագավառում առաջատար ճյուղ է անասնապահությունը և հացահատիկի մշակությունը, որին բաժին է ընկնում գյուղատնտեսական արտադրանքի մոտ 50%: Ցածր մակարդակի վրա է դաշտավարությունը: Գյուղատնտեսական արտադրանքի հիմնական մասը սպառվում է Երևան քաղաքի շուկաներում և խանութներում:

Ռյա-Թազա համայնքը հարուստ է զբոսաշրջային մեծ հետաքրքրություններ կայացնող բնական, պատմական և մշակութային հուշարձաններով մ.թ.ա.:

Ռյա-Թազա համայնքում գործում է մեկ միջնակարգ դպրոց՝ ուր հաճախում են համայնքի 100 աշակերտ: Դպրոցը կառուցվել է 200 աշակերտների համար:

Համայնքում գործում է մեկ բժշկական ամբուլատորիա: Այժմ գտնվում է վթարային վիճակում: Բուժամբուլատորիան գործում է ընտանեական բժշկության ծրագրով, սակայն վազոն տնակի պայմանները (սենյակների քանակը, բժշկական սարքավորումները) բավարար չեն իրականացնելու լիարժեք բժշկական սպասարկում: Այն նախատեսված է սպասարկելու Ռյա-Թազա, Շենկանի և Միրաք համայնքների 890 բնակիչների: Տարեկան այցելուների թիվը կազմում է 500 հիվանդ:

Համայնքում ընտանեկան նպաստների համակարգում և սոցիալական ծրագրերում ընդգրկված են 34 ընտանիք:

2.3. ՀԱՄԱՅՆՔՈՒՄ ԻՐԱԿԱՆԱՑՎՈՂ ԾՐԱԳՐԵՐԸ

Գրել իրականացվող աշխատանքների մասին

Համայնքի հնգամյա զարգացման ծրագրով նախատեսված է այլ ծրագրերով կառուցել ոռոգման նոր ջրոգծեր: Այս ծրագրի իրականացման արդյունքում ոռոգման ջրի կավելանա համայնքում բերքատվությունը, կբարձրանա բնակչության զբաղվածության աստիճանը:

Համայնքի հնգամյա զարգացման ծրագրով նախատեսված է այլ ծրագրերով կառուցել ոռոգման նոր ջրոգծեր

Համայնքի հնգամյա զարգացման ծրագրով նախատեսված է այլ ծրագրերով ամբողջությամբ իրականացնել գազաֆիկացում: Այս ծրագրի իրականացման արդյունքում կբարելավվի ազգաբնակչության կենցաղը, դպրոցը կունենա լոկալ ջեռուցում:

Համայնքի մշակույթի տան կառուցումը և գույքի ձեռքբերում, որով կբարձրանա համայնքի մշակութային կյանքը:

Համայնքի նախակրթարանի կառուցումը և գույքի ձեռքբերում:

2.4 ՀԱՄԱՅՆՔԻ ՖԻՆԱՆՍԱԿԱՆ ԻՐԱՎԻՃԱԿԻ ՆԿԱՐԱԳՐՈՒԹՅՈՒՆ ԵՎ ՖԻՆԱՆՍԱԿԱՆ ԿԱՆԽԱՏԵՍՈՒՄՆԵՐ

ՀՀ Արագածոտն իմարզի Ռյա-Թագա համայնքի 2017 թ. Բյուջեն կազմվել է ելնելով համայնքի զարգացման հնգամյա պլանից:

1. Համայնքի բյուջեն եկամուտների մասով կազմում է – 15951.1 հազար դրամ
2. Ծախսային մասով բյուջեն կազմում է – 23014.7 հազար դրամ
3. Դեֆիցիտը՝ 0 հազար դրամ

Համայնքում ծրագրերի իրականացման համար կանխատեսվում է.

1. Նախակրթարանի կառուցում և գույքի ձեռքբերման համար 2019 թ. նախատեսվում է 12000.0 հազար դրամ, որից համայնքի ներդրում կկազմի 1200.0 հազար դրամ:
2. 2-րդ և 3-րդ փողոցների խմելու ջրագծերի կապիտալ վերանորոգման համար 2017թ նախատեսված է 1531.2 հազար դրամը համայնքի բյուջեից:

3. 2017 թ-ին նախատեսված է կապիտալ վերանորոգել Ռյա-Թազա ներհամայնքային 4.5 կմ ճանապարհը:

Համայնքում առաջիկա հինգ տարիներին կանխատեսվում է.
2017 թ. - 1.8 հազար դրամ
2018 թ. – 1.5 հազար դրամ
2019 թ. - 1.2 հազար դրամ
2020թ. – 0.9 հազար դրամ
2021թ. – 0.5 հազար դրամ

Ծանոթություն - 2017 թ. բյուջեում ֆոնդային բյուջեի գումարը կազմում է 7831.2 հազար դրամ.

Կանխատեսումները արվել են ելնելով սեփական եկամուտների ավելացման, հողերի նպատակային նշանակության փոփոխությունից և պետբյուջեից տրվող ներքին դոտացիայի ավելացման հաշվին:

2.5 ՀԱՄԱՅՆՔԻ ԶԱՐԳԱՑՄԱՆ ԽՈՋՆԴՈՏՆԵՐ ԵՎ ԴԺՎԱՐՈՒԹՅՈՒՆՆԵՐ

Ռյա-Թազա համայնքի զարգացման հնգ ամյա ծրագրի իրականացման համար առկա են բազմաթիվ խոչնդոտներ և դժվարություններ, որոնք կարծես փոխկապակցված լինեն միմյանց հետ և ծրագրի մի խնդրի լուծումը կարող է օգնել նաև մյուսների լուծման գործընթացին:

Այսպես՝ գործարար միջավայրի բարելավումը և ձեռնարկատիրության խթանումը կարող է բերել գյուղատնտեսության զարգացմանը, որտեղ հիմնական խոչնդոտներն են .

1.Տեխնիկայի բացակայություն

2. Մասնագետների պակաս

3. Հողերի ցածր բերիություն

4.Ֆինանսների անբավարարության պատճառով ժամանակակից տեխնոլոգիաների ներդրման անհնարինություն.

5. Ոռոգման ջրի բացակայությունը

6.Բուժանյութերի պիտանելիության անբավարարություն

7.Արտադրանքի իրացման դժվարություններ

8.Հակակարկտային կայանների բացակայությունը

9.Տրամադրվող վարկերի բարձր տոկոս

Այս խոչընդոտները մեղմելու դեպքում գյուղատնտեսությունը կարելի է հասցնել այնպիսի մակարդակի, որը հնարավորություն կտա ավելի արդյունավետ դարձնել հողերի օգտագործումը, կբերի համայնքի կայուն զարգացման, կստեղծվեն նոր աշխատատեղեր, կներդրվեն հողերի մշակման նորտեխնոլոգիաներ, կբարձրանա բնակչության կենսամակարդակը, կավելանա համայնքի սեփական եկամուտները, կհեշտանա հարկերի և տուրքերի հավաքագրումը, որն էլ կնպաստի բիզնես միջավայրի բարելավմանը և կոռպերացիաների ստեղծմանը:

Բնակչության առողջության մակարդակի բարձրացման գործում կարևոր նշանակություն ունի նոր բուժամբուլատորիայի կառուցումը, որը հնարավորություն կտա տրամադրել ավելի արդյունավետ և մատչելի սպասարկում: Հին ամբուլատորիան սպասարկում է Ռյա-Թազա, Շենկանի, Միրաք համայնքների 890 բնակչի: Այժմ այն գտնվում է վթարային վիճակում: Բուժսպասարկում իրականացնելու համար խոչնդոտ է հիվանդասենյակների, բժշկական սարքավորումների պակասը: Նոր բուժամբուլատորիայի կառուցման համար խոչնդոտ է նաև ֆինանսավորման բացակայությունը, որի հարցը դեռևս լուծված չէ:

Համայնքում զբոսաշրջության զարգացման համար կան նպաստավոր պայմաններ (պատմամշակութային հուշարձաններ, հանգստի գոտի): Զարգացման համար մեծ խոչնդոտ է ներդրումների բացակայությունը: Այս հարցում կարևոր է բարեգործության խթանումը և այլ ծրագրերի ներգրավումը:

Մատաղ սերնդի դաստիարակության գործում մեծ նշանակություն ունի նոր նախակրթարանի կառուցումը և գույքի ձեռքբերումը:

2.6 ՀԱՄԱՅՆՔԻ ՈՒԺԵՂ ԵՎ ԹՈՒՅԼ ԿՈՂՄԵՐԻ, ՀՆԱՐԱՎՈՐՈՒԹՅՈՒՆՆԵՐԻ ԵՎ ՍՊԱՌՆԱԼԻՔՆԵՐԻ (ՈՒԹՀՍ) ՎԵՐԼՈՒԾՈՒԹՅՈՒՆ

1. ՀԱՄԱՅՆՔԻ ՈՒԺԵՂ ԿՈՂՄԵՐԸ

- Համայնքի աշխարհագրական լավ դիրքը (մոտիկությունը մարզկենտրոն Աշտարակին, տարածաշրջանային կենտրոն Ծաղկահովիտ, հանրապետական նշանակության Երևան-Վանաձոր ճանապարհին)
- Համայնքի գեղատեսիլ բնությունը
- Բնակավայրին հարակից անտառամերձ գոտու առկայությունը
- Համայնքում միջնակարգ դպրոցի գործելը
- Համայնքում հեռախոսակապի առկայությունը

2. Համայնքի թույլ կողմերը

- Գյուղապետարանի շենքի և համայնքային կենտրոնի բացակայությունը
- Ներհամայնքային ճանապարհների և փողոցների անբարեկարգ վիճակը
- Մշակույթի տան բացակայությունը
- Խմելու ջրի ջրամատակարարման ներհամայնքային համակարգի ոչ բավարար վիճակը
- Զրահեռացման ներհամայնքային կենտրոնացված համակարգի բացակայությունը
- Համայնքի դպրոցի շենքերում ջեռուցման համակարգի բացակայությունը, գործարկման դժվարությունները ձմռան ընթացքում
- Համայնքում աղբահանության կազմակերպման փոքր մասշտաբը և ցածր մակարդակը
- Ոռոգման ներհամայնքային համակարգի բացակայությունը
- Խոտհարքների չափաբաժնի պակաս լինելը և վարելահողերի չմշակելը
- Միջհամայնքային հասարակական տրանսպորտի բացակայությունը՝ ապահովելու մշտական հաղորդակցություն մարզկենտրոնի, տարածաշրջանային կենտրոնի հետ
- Համայնքում արտադրված գյուղատնտեսական մթերքներն իրացնելու, մինչև շուկա հասցնելու բազմաբնույթ խնդիրների ու դժվարությունների առկայությունը
- Համայնքում աշխատատեղերի խիստ պակասը, գործազրկության բարձր մակարդակը
- Համայնքում սոցիալապես խոցելի ընտանիքների մեծ քանակը
- Համայնքի 2 գերեզմանատների չցանկապատված լինելը

3. ՀԱՄԱՅՆՔԻ ՆՊԱՏԱԿՆԵՐԻ ՍԱՀՄԱՆՈՒՄ ԵՎ ԳՈՐԾՈՂՈՒԹՅՈՒՆՆԵՐԻ ՊԼԱՆԱՎՈՐՈՒՄ

Ռյա-Թագա ՀՀԶԾ նպատակների և գործողությունների, սահմանման, անհրաժեշտ ռեսուրսների հաշվարկման հերթականությունը

Նպատակների, զարգացման
տեսլականի սահմանում

Գործողությունների
պլանավորում

Անհրաժեշտ ռեսուրսների
հաշվարկ

3.1 ՀԱՄԱՅՆՔԻ ԶԱՐԳԱՑՄԱՆ ՏԵՍԼԱԿԱՆ

ՀՀ Արագածոտն մարզի Ռյա-Թազա համայնքի զարգացման ծրագիրը կազմված է առաջիկա հինգ տարիների համար և փոփոխություններ սպասվում են այդ տարիների ընթացքում:

Համայնքի զարգացման հիմնական ուղղություններն են՝

1. Համայնքի բնակիչների առողջության մակարդակի բարձրացում: Այս հարցում կարևոր խնդիր է նոր բժշկական ամբուլատորիայի կառուցումը, որի համար համայնքը նախատեսել է իր մասնաբաժինը: Դեռևս ֆինանսավորման հարցը լուծված չէ:


2. Մատաղ սերնդի դաստիարակության հարցում կարևոր է նախակրթարանի կառուցումը: որը նախատեսված է ավարտել 2021թ. Երկրորդ կիսամյակում: Գումարը կազմում է 12000.0 հազար դրամ, որտեղ համայնքի մասնաբաժինը կազմում է 1200.0 հազար դրամ:

3. Համայնքում գյուղատնտեսության զարգացման համար կարևոր խնդիր է ոռոգման նոր համակարգերի կառուցումը: Այս նպատակով համայնքը նախատեսել է իր մասնաբաժինը՝ 5000 մլն դրամ: Մնացած գումարի հարցը կանխատեսվում է այլ ծրագրերով: Խնդրի լուծման դեպքում սպասվում է գյուղատնտեսության կայուն զարգացում:

4. Համայնքի զարգացման և կայուն եկամուտների ապահովման գործում կարևոր նշանակություն կունենա զբոսաշրջության զարգացումը, որի համար կան նպաստավոր պայմաններ:

Համայնքի կայուն զարգացման գործում կարևոր խնդիրներ են նաև համայնքի ներհամայնքային ճանապարհների կապիտալ նորոգումը, փողոցների լուսավորության ամբողջությամբ անցկացումը, մշակույթի տան կառուցումը:

Համայնքի զարգացման հնգամյա ծրագրի իրականացումը նախատեսում է անհրաժեշտ ռեսուրսները, գործողությունները, ուղղակի արդյունքները, ծրագրի անմիջական և հեռահար նպատակները, որոնց ամբողջությունը ծրագրի տրամաբանական հենքն է.



ա/ համայնքում աղքատության շեմից ցածր գտնվող ընտանիքների թվի նվազման - 30 %

բ/ Սեփական եկամուտների տարեկան աճի - 0.5 %

զ/Բնակիչների թվի ավելացման - 0.5%:

և կապահովեն համայնքի կայուն զարգացում:

3.2 ՀԱՄԱՅՆՔԻ ԶԱՐԳԱՑՄԱՆ ԱՆՄԻՋԱԿԱՆ ՆՊԱՏԱԿՆԵՐ

ՀՀ Արագածոտնի մարզի Ռյա-Թազա համայնքի զարգացման հնգամյա ծրագրի շրջանակներում յուրաքանչյուր պարտադիր խնդրի լուծման համար համայնքը սահմանել է անմիջական նպատակներ, որոնց իրականացումը կերաշխավորի համայնքի հեռահար նպատակների իրագործումը և համայնքին կբերի կայուն զարգացում:

Համայնքի զարգացման անմիջական նպատակներն են.

1. Համայնքի գույքի կառավարում .
2. Նախադպրոցական կրթության և արտադպրոցական դաստիարակության կազմակերպում.
3. Ակտիվ մշակույթային և մարզական կյանքի կազմակերպումը՝ երիտասարդության ներգրավմամբ.
4. Համայնքի բնակչության սոցիալական պաշտպանություն.
5. Ֆիզիկական կուլտուրայի և առողջ ապրելակերպի խրախուսում.
6. Համայնքի բնակավայրերի կառուցապատում, բարեկարգումը և կանաչապատումը, համայնքի աղբահանությունը և սանիտարական մաքրումը, կոմունալ տնտեսության աշխատանքների ապահովումը, նաև համայնքային գերեզմանատների պահպանումը և գործունեության ապահովումը.
7. Համայնքի հասարակական տրանսպորտի աշխատանքի կազմակերպում, համայնքային ճանապարհային ենթակառուցվածքների պահպանում և շահագործում.
8. պետության պաշտպանության իրականացման աջակցում.
9. Աղետի ռիսկերի նվազեցում և արտակարգ իրավիճակներում բնակչության ու քաղաքացիական պաշտպանության իրականացում.
10. Համայնքում գյուղատնտեսության զարգացման խթանում.
11. Շրջակա միջավայրի պահպանություն.
12. Երիտասարդության խնդիրների լուծման և ուղղված միջոցառումներ.
13. Բնակչության առողջական մակարդակի բարձրացում.
14. Բարեգործության խթանում.

Ծրագրի անմիջական նպատակների չափելիությունն ապահովելու համար սահմանվել է կատարողականի առանցքային ցուցանիշներ և ցուցանիշների թիրախային արժեքներ, որոնք ներկայացված են ՀՀ ԶԾ ծրագրերի անձնագրերում:

1. Համայնքի ներհամայնքային ճանապարհների ասֆալտապատում և կապիտալ նորոգում.

Ծրագիրը հնարավորություն կտա համայնքում բարելավել տրանսպորտի վիճակը: Ծրագրի իրականացումը նախատեսվում է 2017 – 2021թթ.,: Այդ նպատակով համայնքի բյուջեից հատկացվել է 5900.0 հազար դրամ:

2. Ոռոգման համակարգի կառուցում

Ծրագիրը նախատեսվում է իրականացնել Ասիական բանկի ներդրումային ծրագրով: Այն հնարավորություն կտա համայնքում զարգացնել գյուղատնտեսությունը, համայնքին բերել կայուն զարգացում, բարձրացնել բնակիչների կենսամակարդակը, ստեղծել բիզնես միջավայր, խթանել ձեռնարկատիրությունը: Ծրագրի գինը կազմում է 50000,0 հազար դրամ: Նախատեսվում է ծրագիրը իրականացնել 2018 – 2021 թթ.: Համայնքի ներդրումը բյուջեից նախատեսվում է 5000,0 հազար դրամ:

3.Ներհամայնքային փողոցների լուսավորության անցկացում

Ծրագրի իրականացումը կբարձրացնի բնակչության կենսամակարդակը: Ծրագրի գինը կազմում է 1000.0 հազար դրամ, որը կտրամադրվի համայնքի բյուջեից:

4.Համայնքապետարանի շենքի կառուցում և գույքի ձեռքբերում

Ծրագրի իրականացումով կստեղծվի բարենպաստ աշխատանքային պայմաններ: Ծրագրի գումարն է՝ 20000,0 հազար դրամ, որը կֆինանսավորվի ներդրողների կողմից և համայնքի բյուջեից:

5.Մշակույթի տան կառուցում և գույքի ձեռքբերում

Ծրագիրը հնարավորություն կտա կազմել ընդգրկել ավելի շատ երեխաներ, բարձրացնել բնակչության մշակույթային մակարդակը, ստեղծել նոր աշխատատեղեր: Ծրագրի գինը կազմում է 20000,0 հազար դրամ, որտեղ համայնքի բյուջեից նախատեսվում է 2000.0 հազար դրամ: Ծրագիրը նախատեսվում է իրականացնել 2020 – 2021 թթ-ին:

6.Նախակրթարանի կառուցում և գույքի ձեռքբերում

Ծրագիրը հնարավորություն կտա համայնքի և հարևան համայնքների երեխաների համար ստեղծել ավելի բարենպաստ պայմաններ: Ծրագրի գինը կազմում է 15000,0 հազար դրամ: Համայնքի բյուջեից կտրամադրվի 1500,0 հազար դրամ:

4.ՀՀ ԶԾ ՖԻՆԱՆՍԱՎՈՐՈՒՄ

Ռյա-Թազա համայնքի ՀՀԶԾ – ում ընդգրկված ծրագրերն նախատեսված է իրականացնել .

1. Համայնքի սեփական միջոցներով.
2. Ներքին պաշտոնական դրամաշնորհներով.
3. Պետություն – համայնք – մասնավոր հատված համագործակցության շրջանակներում մասնավոր ընկերությունների կողմից արված ներդրումներ.
4. Բարեգործություն և նվիրատվություն.
5. Այլ աղբյուրներ.

ՀՀԶԾ – ում ընդգրկված ծրագրերի իրականացման համար առկա և անհրաժեշտ ֆինանսական միջոցները ներկայացված են ՀՀԶԾ ծրագրերի ֆինանսավորման ամփոփաթեթում:

Համայնքը իր միջոցներով պատրաստ է իրականացնել հետևյալ ծրագրերը.

1. Ներհամայնքային ճանապարհների ընթացիկ և կարիտալ նորոգում, որի համար համայնքի վարչական և ֆոնդային բյուջեից 2017 – 2018 թթ. նախատեսվել է 5900,0 հազար դրամ: Ելակետային տարվա արժեքն է 1800,0 հազար դրամ:

2. Ներհամայնքային փողոցների լուսավորության անցկացման համար 2017 – 2018 թթ. Համայնքի վարչական և ֆոնդային բյուջեից նախատեսված է 2000,0 հազար դրամ: Ելակետային տարվա արժեքն է 1000,0 հազար դրամ:

3. Համայնքի գազաֆիկացման համար 2018 – 2019 թթ. համար համայնքի վարչական և ֆոնդային բյուջեից նախատեսված է 5000,0 հազար դրամ: Ելակետային տարվա արժեքն է 2000,0 հազար դրամ:

Պետություն – համայնք – մասնավոր հատված համագործակցության շրջանակներում, այլ ծրագրերով համայնքը նախատեսում է իրականացնել.

1. Ոռոգման ցանցի կառուցման համար գումարը – 50000,0 հազար դրամ, որից.

համայնքի ֆոնդային բյուջեից – 5000,0 հազար դրամ.

Այլ ծրագրերով – 45000,0 հազար դրամ (ֆինանսավորման հարցը լուծված չէ).

4. Նախակրթարանի կառուցման և գույքի ձեռքբերման համար գումարը – 15000,0 հազար դրամ, որից

Համայնքի վարչական և ֆոնդային բյուջեից – 1500,0 հազար դրամ

Այլ ծրագրերով – 13500,0 հազար դրամ (ֆինանսավորման հարցը լուծված չէ)

5. Մշակույթի տան կառուցման և գույքի ձեռքբերման համար – 20000,0 հազար դրամ, որից

Համայնքի բյուջեից – 2000,0 հազար դրամ

Այլ ծրագրերով – 18000,0 հազար դրամ (գումարի հարցը լուծված չէ).

5. ՀՀԶԾ ՄՈՆԻԹՈՐԻՆԳ

ՀՀԶԾ մոնիթորինգի ծրագիրը, մոնիթորինգի ենթարկվող ցուցանիշները, ցուցանիշների հավաքագրման հաճախականությունը, տեղեկատվության աղբյուրներն ամփոփված է ՀՀԶԾ մոնիթորինգի անձնագրում: